

ARREST^{26. VI. 1647} DV CONSEIL D'ESTAT,

Portant nouveau & dernier delay pour
l'exposition & conuertissement des
Especies d'or & d'argent legeres au
marc: Après lequel lesdites Espe-
ces demeureront décriées de tout
cours & mise.

*Registré en la Cour des Monnoyes le 27.
iour de Iuin 1647.*



A PARIS,
Chez SEBASTIEN CRAMOISY, Imprimeur
ordinaire du Roy, & de la Reyne Regente
& de la Cour des Monnoyes.

M. D C. XLVII.
Avec Prinilege de sa Maie^{te}.

Y 23 43 10
11/20/11 VI
2 12/1/11

Case

F

39

.326

1647F

THE NEWBERRY
LIBRARY



*EXTRACT
DES REGISTRES
du Conseil d'Estat.*

S V R ce qui a esté
representé au Roy
en son Conseil ,
que pendant les derniers
delais & prolongations
qui ont esté données pour
le conuertissement des
Espèces d'or & d'argent
legeres , l'on auroit pû
faire le conuertissement
de ce qui en restoit à con-

uertir , si les particuliers
qui ont lescdites Especes
les auoient portées és ho-
stels des Monnoyes pour
y estre conuerties:Ce que
n'ayant fait pour quel-
ques interests particu-
liers , il est encore ne-
cessaire de dōner vn nou-
veau delay de six mois ,
pour paracheuer le con-
uertissement de ce qu'il
en reste dans ce Royau-
me; & d'enioindre de les
porter dans lescdites Mon-
noyes pendant ledit de-
lay , à peine de confisca-
tion après iceluy expiré:

5
Et de donner aussi vn pareil delay de six mois pour l'exposition des Especes d'argent de France de poids avec le remede des grains, afin de faciliter le commerce. Ouy le rapport du sieur de Mauroy, Conseiller du Roy en ses Conseils, Intendant des Finances: SA MAIESTE' EN SON CONSEIL a accordé vn nouveau delay pour le conuertissement & exposition des Especes d'or & d'argent legeres au marc iusques au dernier Decembre prochain

pour dernier delay. Pendant lequel temps sadite Maiesté veut & entend que lesdites Especes d'or & d'argent legeres soient portées tant en sa Monnoye du Moulin établie aux Galleries du Louure, que dans les autres Monnoyes de ce Royaume, pour y estre conuerties & la valeur renduë comme il est accoustumé. Et à faute de porter lesdites Especes d'or & d'argent legeres esdites Mōnoyes, dans le dernier Decembre prochain; Veut sadi-

te Maieſté⁷ que leſdites
Eſpeces demeurent dé-
criées de tout cours &
miſe ; & que ceux qui ſe
trouueront ſaiſis deſdites
Eſpeces legeres , ſoient
punis comme billōneurs ,
& leſdites Eſpeces confif-
quées au profit de ſa Ma-
ieſté , dont le tiers de la
confiſcation appartiēdra
au denonciateur : Et que
pour les autres Eſpeces
d'argent de France de
poids avec le remede des
grains, accordé par la De-
claration de ſa Maieſté,
regiſtrée en la Cour des

Monnoyes le 30. Oôto-
bre 1640. ayent cours
ainfi qu'elles ont à pre-
sent. Faisant sadite Ma-
iesté de nouveau tres-ex-
presses defenses à toutes
personnes de refuser les
Quarts-d'escus tant vieux
que nouveaux du poids
de sept den. douze grains
trebuchans pour vingt
vn sols , à peine de cinq
cens liures d'amêde pour
la premiere fois, & de pu-
nition corporelle pour la
seconde. Ordonne sadite
Maiesté à sa Cour des
Monnoyes , de tenir la
main

main à l'exécution du
 present Arrest. Faict au
 Conseil d'Estat du Roy
 tenu à Paris le vingt sixié-
 me iour de Iuin mil six
 cens quarante-sept.

Signé, DE BORDEAUX.

L O V I S par la grace de Dieu Roy
 de France & de Nauarre, A nos
 amez & feaux Conseillers les Gens te-
 nans nostre Cour des Monnoyes, Sa-
 lut: Par l'Arrest dont l'extraict est cy-
 attaché sous le contre-seel de nostre
 Chancellerie ce iourd'huy donné en
 nostre Conseil d'Estat, nous auons
 accordé vn nouveau delay pour le con-
 uertissement & exposition des Espèces
 d'or & d'argent legeres au marc, ius-
 ques au dernier Decembre prochain
 pour dernier delay, & ordonné que
 pendant ledit temps lesdites Espèces
 d'or & d'argent legeres seront portées
 tant en nostre Monnoye du moulin,

establie aux Galleries du Louure, que dans les autres Mōnoyes de ce Royaume, pour y estre conuerties, & la valeur renduë comme il est accoustumé; Et à faire de ce faire que lesdites Especes demeurent décriées de tout cours & mise; & que ceux qui se trouueront faisis desdites Especes legeres soient punis comme billonneurs, & lesdites Especes confisquées à nostre profit, dont le tiers de la confiscation appartiendra au denonciateur: Et pour les autres Especes d'argent de France de poids avec le remede des grains, accordé par nostre Declaration registrée au Greffe de nostre dite Cour le 30. Octobre 1640. qu'elles ayent cours ainsi qu'à present. A CES CAUSES Nous vous mandons & ordonnons de faire registrer ledit Arrest, & tenir la main à l'exécution d'iceluy: Commandons à nostre Huissier ou Sergent premier sur ce requis, de faire pour ce toutes significations, publications, defenses sur les peines y contenuës, & autres actes & exploits necessaires sans autre permission. Et sera adiousté foy comme aux originaux, aux copies dudit Arrest & des

presentes collationnées par l'un de nos
amez & feaux Conseillers & Secretai-
res: CAR tel est nostre plaisir. Donné
à Paris le vingt sixième iour de Iuin,
l'an de grace 1647. & de nostre regne
le cinquième. Signé, Par le Roy en son
Conseil, DE BORDEAUX.

EXTRAICT DES REGISTRES
de la Cour des Monnoyes.

V *EV par la Cour l'Ar-
rest du Conseil d'Estat
du Roy, du vingt-si-
xième des presens mois & an,
& Commission sur iceluy adres-
sante à ladite Cour, signé, Par
le Roy en son Conseil, DE
BORDEAUX, & scellé de
cire iaune du grand sceau sur
simple quenë: Par lequel Arrest
sa Maiesté pour les causes y con-
tenuës, a accordé un nouveau
delay pour le conuertissement &*

exposition des Espèces d'or & d'argent legeres au marc , iusques au dernier Decembre prochain pour dernier delay : pendant lequel temps sadite Maie-
 sté veut & entend, que lesdites Espèces d'or & d'argent legeres soient apportées tant en sa Monnoye du moulin establie aux Gal-
 leries du Louvre , que dans les autres Monnoyes de ce Royaume , pour y estre conuerties , & la valeur renduë , comme il est ac-
 coustumé ; & à faute de porter lesdites Espèces d'or & d'argent legeres esdites Monnoyes dans le-
 dit dernier Decembre prochain, veut sadite Maie-
 sté que lesdites Espèces demeurent décriées de tout cours & mise ; & que ceux qui se trouueront saisis des-

dites *Especies* legeres soient punis
 comme *billonneurs*, & lesdites
Especies confisquées au profit de
 sa *Maiesté*, dont le tiers de la
 confiscation appartiendra au de-
 nonciateur. Et que pour les au-
 tres *Especies* d'argent de France
 de poids avec le remede des grains
 accordé par la *Declaration* de sa
Maiesté registrée en la Cour
 des Monnoyes le trentième Octo-
 bre mil six cens quarante, ayent
 cours ainsi qu'elles ont à present.
 Faisant sadite *Maiesté* de nou-
 veau tres - expresses defenses à
 toutes personnes de refuser les
Quarts-d'escus tant vieux que
 nouveaux du poids de sept de-
 niers douze grains trebuchans
 pour vingt-un sols, à peine de
 cinq cens liures d'amende pour la

premiere fois, & de punition corporelle pour la seconde. Et ordonne sadite Maieſté à ſa Cour des Monnoyes, de tenir la main à l'execution dudit Arrest. Ouy & ce requerant le Procureur general: LA COUR a ordonné & ordonne, que ledit Arrest & Commiſſion ſeront registrez és registres d'icelle, pour eſtre executez ſelon leur forme & teneur, & à cette fin publiez par les carrefours & lieux publics & accouſtumez de ladite Ville & Fauxbourgs de Paris; & qu'à la diligence du Procureur general ou de ſes Subſtituts, copies collationnées par le Greffier de ladite Cour dudit Arrest & Commiſſion ſeront enuoyées au premier des Preſidens & Conſeillers trou-

uez sur les lieux, & en leur absence aux Generaux Prouvinciaux, & Gardes des Monnoyes de ce Royaume, & pour l'absence desdits Officiers aux Baillifs, Seneschaux, & Iuges Royaux des villes & lieux de ce Royaume, pour les faire publier & executer selon leur forme & teneur. Et ce faisant, que les Espèces d'argent de France de poids sans le remede & avec le remede des grains auront cours comme cydeuant, & suiuant la Declaration de sa Maiesté enregistree en cette Cour le trentiesme Octobre mil six cens quarante. Et neantmoins sera sa Maiesté suppliée d'abreger le delay porté par ledit Arrest, attendu qu'il y a à present suffisante quantité d'Espèces

de poids d'or & d'argent fabriquées, pour la facilité du commerce, & pour les difficultez & diuers abus qui se commettent iournellement en l'exposition desdites *Especies au marc*. Fait en la Cour des Monnoyes le 27. iour de Iuin 1647. Signé, DELAISTRE.

L'An mil six cens quarante-sept, le Lundy premier iour de Iuillet, l'Arrest du Conseil d'Estat cy-dessus, portant nouveau delay pour l'exposition & conuertissement des *Especies d'or & d'argent legeres au marc, &c.* a esté leu & publié à son de Trompe & cry public par les carrefours & autres lieux tant ordinaires qu'extraordinaires de cette Ville & Faux-bourgs de Paris, en la presence de nous Iean Gerin premier Huissier en ladite Cour, Iacques Blondel & Michel Rebours Huissiers en icelle: par Iean Iossier Juré Crieur en ladite Ville, Prenoité & Vicomté de Paris, accompagné de trois Trompettes, commis des trois Iurez Trompettes du Roy, à ce qu'aucun n'en pretende cause d'ignorance. Signé, GERIN, BLONDEL, & REBOURS.

Collationné aux Originaux par moy Conseiller, Secrétaire du Roy, Maison & Couronne de France, & de ses Finances, & Greffier en chef de la Cour des Monnoyes.